

Universitätsbibliothek Paderborn

Philippi Clüveri[i] Germaniæ Antiqvæ Libri tres

Clüver, Philipp Lugduni Batavorum, 1631

Cap. IV. De Helvetiis.

urn:nbn:de:hbz:466:1-44541

CAP. IV.

De HELVETIIS.


ELVETII igitur, Gallica licet antiquitus fuerint gens, intra Galliæ fineis politi; tamen, quia & ipfi, Rhenum olim transgressi, proximos Germania agros obsederunt, ac postremum Alemanni, ex ipsa Germania profecti, Helvetium agrumoccuparunt, quem in hunc usque diem tenent; paucis antè indicandi erunt. Horum fineis fic describit Cæsar, belli Gallici comment. 1: Vndig, loci natură tuti Helvetii continentur. una ex parte (quà orientem ac septemtriones spectant) flumine Rheno latissimo atque al- 10 tissimo; qui agrum Helvetium à Germanis dividit: altera parte (quà occasium æstivum prospiciunt) monte Iura altissimo, qui est inter Sequanos & Helvetios: tertia (qu'à meridici oppositi) lacu Lemano, & slumine Rhodano, qui provinciam nostram, id est, Narbonensem Galliam, ab Helvetiis dividit. Hoe autem loco intelligendum, quamvis Cæsar Rhodano ab una parte Helvetium agrum terminet; tamen eum ad ripam usque Rhodani non pertigisse. quidpe Rhodanus ab excelfo Alpium vertice (nunc est divi Gothardi mons) profluens, vallem effi. cit, x c millia passuum à capite ad Lemanum lacum in longum porrectam; latam verò, ubi fummum patet, duum millium passuum. vallem utrimque cludunt altissima Alpium juga. hanc alieni ab Helvetiis populi incoluerunt; uti post docebitur. Igitur proprius ab hac parte Helverii agri terminus est jugum montis, quod dictam vallem a septemtrionibus clu- 20 dit. Idem de Rheno quoque tenendum. nam & hic, fontibus duobus exoriens, valleis efficit, quas Rhætici quondam populi incoluerunt, ad lacum usque Brigantinum, qui vulgò dicitur der Bodensee. Ceterum, quia Iura mons ab altera parte, id est, ab occasu astivo, Helvetium agrum cludere dicitur; hujus quoque jugum rectè cognoscere operæ suerir pretium. Initium hic ab Genevâ, Allobrogum ad Lemanum lacum urbe, ducens versus septemtriones ad fonteis Dubis fluminis, quod vulgò Doux est, protenditur; ejusdemque fluminis dextram ripam prosequitur, usque ad vicum, cui vulgare vocabulum Pierreport: inde in ortum æstivum versus, lævam amnis Arolæ, qui vulgo die Are, ripam radit, donec ipse unà cum Arola Rheno jungatur, ad opidum Confluenteis, quod vulgò Coblenz. Ulteriora igitur, in quibus Basilia urbs, opidaque Liechstal, Sissach, Lauffenberg, Rhynfelden, quæ 30 nunc in Svitzerorum agro censentur, antiquitus Helvetiorum non suêre.

Longitudinem latitudinemque agri Helvetii indicat Cæsar eodem loco his verbis: Pro multitudine hominum, & pro glorià belli atque fortitudinis, angustos se sineis habere arbitrabantur: qui in longitudinem millia passum ccxl, in latitudinem clxxx patebant. Quæ dimensio, si examinetur, falsa utrobique deprehendetur, quidpe summa Helvetii agri longitudo est inter Rhenum, sive lacum Brigantinum, quà Constantiam opidum is alluit, & Genevam urbem, millium pass. clxxxii; latitudo verò maxima, inter Arolam & ortus Rhodani Rhenique, mill. pass. laxxvi. Itaque longitudini lxviii pass. millia ultrà, quàm æquum erat, Cæsar addidit: latitudini verò ciiii. Quem errorem non incurioso, uti quidam volunt, librario, sed Cæsari ipsi adscribendum censeo. multo immaniùs quidpe instrà 40 in Aquitaniæ, & idem in Arduennæ silvæ, aliorumque locorum dimensione aberravit; ut

fusius suo loco indicabitur.

Ceterum, omnem civitatem Helveticam in quatuor pagos divisam suisse olim, notat eodem commentario Cxsar, his verbis: Omnis civitas Helvetia in quatuor pagos divisa est. Horum duos recenset, Tigurinum, & Vrbigenum. reliquos duos, quia nulla erat memoran-

di occasio, reticuit. aliunde tamen investigari posse puto.



fratres, aliûs existentes gentis, Gallicæ nimirum, non Germanicæ.

Quatuor igitur Helvetiorum pagi, seu quatuor Helvetiorum genera suêre ista: Ti-

GURINI, TUGENI, AMBRONES, URBIGENI.
TIGURINUM pagum codem fuisse tractu, quo nunc urbs magnifica sita, vulgo Zürich

dicta, ex vocabuli similitudine haud ineptè colligitur: rectéque hodiè urbs ea Latino nomine vocatur Tigurum. Nam T & Zliteras plerisque in vocibus conversas interse suiffe, variante Celtici sermonis dialecto, innumeris demonstrari potest exemplis. sic enim trinæ Taberna, Galliæ Belgicæ opida, nunc vulgò dicuntur Zabern. sic Tolpiacus in Ubiorum quondam agro vicus, nunc Zulpich. sic, quæ inferiores Germani dicunt, tanden, tellen, toveren: & Saxones, tanen, tellen, töveren: superiores esferunt Zane, zalen, zauberen. Nistamen suspicari libeat, corruptum esse Romano ore, ut pleraque externa, verum genuinumque urbis nomen Zurig in Tigurum; quod rectius dictum susset Turigum, ut inferioris sæculi auctoribus adpellatur.

Taŭ spoi, Toygeni, leguntur bis apud Strabonem; quos rectius ego adpellari putem T8-10 spois. Tv GENOS. eâdem quidpe vocabuli ratione haud dubie hodie sunt, qui vulgari nomine dicuntur die Züger, ab gentis capite Zug. quod olim Romanis procul dubio dictum

fuit Tugium. unde Tugeni populi, quasi Tugeri.

URBIGENUM quoque pagum malè atque vitiosè quædam Cæsaris exemplaria referre existimo *Verbigenum*. nam haud inscitè is situs suisse putatur circa opidum, quod slumini cognomini impositum, vulgò nunc dicitur *Orbe*; antiquo haud dubiè vocabulo, quod apud Antoninum in itinere à Mediolano Argentoratum versus est *Vrba*, inter Lausonium lacum & Visontionem.

Ambronum porrò nomen situmque uti commodè rectéque ostendere queam, fines trium dictorum pagorum antè circumscribendi erunt. Tigurinos igitur inclusos suisse con- 20 jicio duobus amnibus, Rheno ac Limago, & exiguâ parte Iuræ montis, ex adverso confluentium Arola & Limagi. Tugenos, Limago & Ursa, vulgo Riis dicto; & montium jugo, inter horum fluminum fonteis lito. Vrbigenos ab occidente astivo, Iura monte, ab opido Genevâ ad fonteis ufque Birfæ amnis, qui ad Bafiliam in Rhenum incidit: à meridie totà lacus Lemani dextră ripă: ab oriente Sană & Arola fluminibus, ad Urbæ usque confluentem. Jam verò Ambronum validam fuisse gentem, Tugenisque multo numerosiorem, inde colligere licet, quòd, quum utrique ad flumen Druentiam à Mario cæsi fuerint; Plutarchus unos nominat Ambronas. Quapropter haud injurià ampliores hisce agrorum fineis tribuerim quam Tugenis; imò quam Tigurinis; quorum æque Plutarchus nomen reticet. Terminos igitur Ambronibus adscribo; ab septemtrionibus Iuram montem, inter 30 binos confluenteis, Urbæ & Limagi: ab meridie Alpium jugum, inter duos fonteis, Sanæ ac Limagi: ab occidente, Sanam & Arolam: ab oriente Limagum. Nomen jam unde Ambrones habuerint, prorsus ego nescio, ni id quasitum fuerit ab amne, medios ferè eorum agros secante, vulgari vocabulo dicto Emme. à quo populi patrio sermone adpellati thi Emmeron, sive Ammeron. quod vocabulum Romani postea, B interjecto, fecere Ambrones, quasi Ammerones: quemadmodum ex Emmerich, sive Ammerich, Iul. Casar formavit Ambiorix; quod alii dixêre Emericus; ut suprà, lib. 1, cap. v1, ostensum est.

Nominibus finibusque quatuor Helvetiorum pagorum indicatis, de opidis corum nunc dicendum est. Cæsar belli Gallici commentario 1, opida Helvetios sua ætate in universum habuisse tradit numero ad duodecim, vicos ad quadringentos. quæ illi, quum to-40 tius Galliæ Celticæ, inter Sequanam & Garumnam amneis sitæ, imperium occupare tentarent, cuncta exusserunt. Cæsar autem prælio victos, atque in pristinas sedeis compulsos, restituere ea jussit. Quo nomine, item quo situ singula fuerint, haud facile quis dixerit. Memorantur tamen haud pauca in antiquis Romanorum historiis, & itinerariis: quo-

rum singula suis inferam pagis.

URBIGENVS PAGVS.

Totius Helvetiorum gentis caput memorat Tacitus, historiarum 1, Aventicum. quod haud indoctè interpretantur viri docti opidum nune vulgari incolarum vocabulo VVillaburg dictum. nam & veteris lapidis inscriptio duoque Romanorum itineraria id 50 testantur, & hodicque Galli id adpellant Avanches. Inscriptio talis ibi legitur in lapide muro templi inserto: Colonia. Pia. Flavia. constans. emerita. Aventicum. Helvetiorum. foederata. Itineraria duo, alterum Antonini, tabulæ alterum, ab Augusta Prætoria, novissimo Italiæ opido, Augustam Rauracorum versus, sichabent:

Апто-

Antoninis		Tabulæ;		merl yell stational bance?		
Augusta Prator	ia	Augusta Prator	ia	Augst; Aosta.		
Summo Pennino	xxv.	Summo Pennino	XXV.	S. Bernhart; Mont-Iou.		
octudoro	xxv.	Octoduro	XXV.	Martinach; Martigny.		
Tarnadas	XII.	Tarnajas	XII.	S. Mauritz; S. Morice.		
Penne locus	XIII.	Penno lucos	XIIII.	Noville, ad Rhodani ripam.		
Bibifco	VIIII.	Vivisco	VIIII.	Vivey.		
Bramago	VIIII.	Viromagus	VIIII.	Bro.		
Minnodunum	VI.	Minodum	VI.	Milden: Mouldon.		
10 Aventiculum	XIII.	Aventicum	XVIII.	Wüflispurg.		
Petinesca	XIII.	Petenisca.	XIIII.	Biel.		
Saloturum	х.	Salodurum	x.	Soloturn.		
Aug. Rauracum	XXIII.	Aug. Rauracûm	XXII.	Augst.		

Antiquissimum esse opidum Aventicum, ex eo colligere datur, quòd jam inde à Neronis tempestate caput fuit universæ gentis. ad quod dignitatis fastigium haud facile adscendere potuit, nisi longinqua continuaque celebritate. unde etiam conjectare ausim, jam inde à Iulii Cæsaris ætate, postquam is gentem bello devictam in patrias sedeis reverti, opidaque exusta restituere jussit, principem inter reliqua id obtinuisse locum. Endem 20 fuisse dignitate ante expeditionem, haud temerè dixerim. ab Frba quidpe, ceu primario opido, dictus jam tunc fuit pagus Vrbigenus. Freculphus tom. 11, lib. 1, cap. 111, de Tito imperatore: Civitatem Aventicum, quam pater ejus Vespasianus adificare caperat, consummavit. in Gallià Cisalpina est. Corrige mendum Cisalpina, in Transalpina: nisi forte Lexoviorum respectu, quorum fuit episcopus, Cisalpinam intellexit, quæ Romanis erat Transalpina. Cererûm ex Tacito intelligas, non fundamenta hujus civitatis jecisse Vespasianum; sed, colonià cò deductà, cam amplificasse. unde etiam Colonia Flavia dicta. Filius dein hujus Titus amplificationem eam absolvit. Post Taciti quoque avum gentis suisse caput, patet ex tabulà îtineraria; in qua primariz urbis forma depingitur. Ptolemzo dicitur Avanticum; recenseturque in Sequanis; quemadmodum & Antonino. verum hoc eo accidit, 30 quòd mutati fuère à posterioribus imperatoribus provinciarum limites. quo facto totus Urbigenus pagus Sequanorum provinciæ título adjectus fuit. Ceterum ante Valentiniani jam imperium quo fato aut pacto celebritas dicta urbi fuerit ablata, nufquam reperio.

ni jam imperium quo fato aut pacto celebritas dicta urbi fuerit ablata, nusquam reperiol ablatam fuisse, testatur Ammianus lib. xv: Alpes Graja, & Panina, exceptis obscurioribus, habent & Aventicum, desertam quidem civitatem, sed non ignobilem quondam; ut adificia semiruta nunc quoque demonstrant.

URBAM esse eamdem quæ hodiè dicitur Orbe, præter nominis similitudinem, Antonini quoque indicat itinerarium; in quo à Lausonio lacu (Lausanne nunc dicitur opidum) ad Vrbam sunt M. p. xviii: & hinc Vesontionem xL. illud quidpe intervallum probè convenit inter Lausanne & Orbe, & hocinter Orbe & Besançon.

COLONIAM hinc Equestrem primus auctorum, quorum monumenta exitant, refert Plinius lib. 1v, cap. xvii. Duo prædicta itineraria fic habent:

Antonini:		Tabulæ:			
Darantasia					
Cafuaria	XXIIII.				
Bautas	XVII.	Gennava			
Equestribus	xvi.	Colonia Equestris	XII.		
Lacu Lausonio	XX.	· Lacum Losonne	XII.		

so Darantasia hodiè est Sabaudiæ opidum, vulgò Monstier en Tarantasis dictum, ab hoc ad Genevam x1 circiter numerantur millia passuum: & hinc potrò ad Lausannam xxx1 v circiter. unde jam satis certo colligitur indicio, vocem Bautas apud Antoninum esse mendosam è vero vocabulo Genava. Tabula in utroque numero suo duodenario admodùm salsa est. Ex Antonini intervallis, inter Genavam & Lausonium sacum, id est, Lausannam, Equestris Colonia est opidum hodiè Nyon, sacui adpositum. In libello provinciarum civitatumque Galliæhæe leguntur verba: Provincia Lugdunensis v, Sequanorum. Metrop. Civ. Crispolinorum; hoc est, Vesontio. Civ. Acquestrium; hoc est, Lugiduno. Civ. Elvicorum, hoc est, Aventico. Civ. Basiliensium. Malè atque corruptè pleraque, Lege, Civ. Equestrium; hoc est, Noviduno.

PHILIPPI CLUVERII

348 duno. Nam nullum heic Lugidunum: metropolisque civitatis Lugdunensium, quæ est ad confluenteis Rhodani Ararisque, jam anteà meminit, in provincià Lugdunensi primà. Pro Elvicorum, lege Helveticorum. fic enim inferiore isto seculo adpellatos fuisse reperio Helvetios. Ceterum inter opidum Nyon, & montem Iuram, rudera visuntur perantiqui muri. quem Cæsaris esse murum putant viri docti, contra Helvetios, in Allobrogum fines per Genevensem pontem irrumpere conantes, exstructum. Cæsar ipse de hoc sic scribit, belli Gallici comment. I: Interea ea legione, quam secum habebat, militibusque, qui ex provincia convenerant, à lacu Lemano, quem flumen Rhodanum influit, ad montem Iuram, qui fineis Sequanorum ab Helvetiis dividit, millia passum decem novem murum, in altitudinem pedum sexdecim, fossamque perducit. Eo opere perfecto, prasidia disponit, castella communit: quò facilius, si se 10 invito transire conarentur, prohiberi possent. Mendum in his Casaris verbis harere, vehementer ego vereor. Nam ruderum istorum tractum, ab opido Nyon versus Juram montem, x1x per millia si sequaris, non modò ad montem, sed trans montem perveneris. quò Cæsarem murum perduxisse, quis credat? Ego suspicor, exemplaria varia habuisse, alia x millia, alia 1x. unde poste à marginibus eorum exemplarium, quæ habebant x, adscriprus est varia lectionis numerus 1x: vel è diverso, tandem imperiti homines, utroque numero textui illato, fecerunt x1x. 1x millia à dicto opido juxta rudera antiqui muri si progrediare, incides in proximum Juræ montis locum, cui antiquæ structuræ castellum impositum, vulgari nunc vocabulo dicitur Chasteau de la pucelle, id est, Castellum virginis. quod putatur à Cæsare conditum. Ego ex pluribus illis castellis, præsidiisque, ad murum erectis, 20 hoc censuerim fuisse postremum. Primum autem, lacuique proximum, haud dubie suit id, quod posteà in opidi modum exstructum, Colonia sactum est cognomento Equestris. Quin heic fine dubio fuit præsidium illud militum, à Cæsare contra Helvetios Lemano lacui impositum: de quo ita Lucanus lib. 1:

> Casar ut acceptum tam prono milite bellum Fataque ferre videt: ne quo langvore moretur Fortunam; sparsas per Gallica rura cohortes Evocat: & Romam motis petit undique signis. Deseruère cavo tentoria fixa Lemano.

Tanta igitur est antiquitas hujus loci. Ceterum à Ptolemæo & Antonino in Sequanorum 30

censetur provincià; ob causam videlicet suprà dictam.

LAUS ANNÆ antiquissima mentio est in itinerario Antonini; ubi Lacus Lausonius adpellatur locus: & in tabulâ itinerariâ; ubi Lacus Losonne. In hac tamen ipsius lacus inscriptio est Lacus los anente: corrupte, ut pleraque, pto Lacus Lausannensis. unde ipsius

opidi verum germanumque vocabulum Laus ANNA.

Iter ab Augustâ Prætoriâ Augustam Rauracorum versûs jam anteà ex Antonino ac tabulà recitatum, in hoc Octodurum esse nunc Martinach, infrà pluribus docebo argumentis. Ab hoc igitur loco x11 m. p. versus septemtriones & Aventicum coloniam, si progrediaris, incides in opidum S. Mauricii; quod Tarnadas vocat Antoninus, & Tarnaias tabula. Hinc xIII paullo ampliùs m. p. ultrà secundo Rhodano si procedas, in dextrà slu-40 minis ripa, qua is in lacum evolvitur, pagum reperies vulgari vocabulo Noville. quem eumdem esse locum, qui apud Antoninum dicitur Penne locus, in tabula verò Penno lucos, spatium situsque indicant. nam ab Antonino unà cum reliquo Helvetiorum pago Urbigeno Maxima Sequanorum adscribitur provincia: quum, quæ in lævå amnis ripå sternuntur versus Italiam, ad Penninarum Alpium provinciam pertineant. De nomine dicti loci nescio quid sentiendum sit. ex tabulà quidpe sacer suisse videtur alicui deorum lucus. At si lucus sacer; cuinam deorum fuerit sacratus? Livius lib. xxx1, de Penninis loquens Alpibus; Neque hercule, inquit, montibus his, ab transitu Pænorum ullo, Veragri, incole jugi ejus, nôrunt nomen inditum: sed ab eo, quem, in summo sacratum vertice, Penninum montani appellant. Summus hic vertex est idem, qui Antonino & tabulæ Summus Penninus. Iovem fuisse deum 50 illum, à Veragris, quorum vicus fuit Octodurus, cultum, suprà lib. 1, cap. xxv1 docui. At si proprium dei nomen fuit Penninus; quomodò ab hujus primitivo vocabulo derivatum est Alpium cognomen Penninum? Nulla certe grammatica ratione. proinde verum genuinumque dei nomen fuisse arbitror Pen; & Romano ori, Pennus. à quo jam rectè ritéque derivatum vocabulum est Penninus. Locus igitur ille apud Antoninum, & in tabulà, legendus est Penni Lucus; id est, sacrum Iovi nemus. Sed hic locus suit Nantuatium; de quibus infrà dicetur.

A Penni luco, eodem itinere versus Aventicum sequitur post 1x m. p. locus, cui

nomen apud Antoninum Bibisco, in tabula Vivisco: tabula etiam hine Lausannam usque numerat m. p. x111. cui spatio, situi, ae nomini, probè convenit opidum hodiè Vivey, lacui adpositum. Verum loci nomen suisse videtur V1v1s cus; quia hodiéque non per B, sed per V literam effertur. Ipsis tamen Celtis suisse putaverim literam W: quam Romani ori suo inustatam, pronuntiatuque difficilem, nunc in B, nunc in V converterunt. Hic quoque locus, extra Helvetiorum sineis, suit Nantuatium.

A Vivisco porrò, Aventicum versûs, 1x m.p. intervallo occurrit locus, cui nomen in tabulâ Viromagus, apud Antoninum Bramagus. eum nunc esse vicum Bro, extra controversiam est; quando & intervallum, & situs, & nomen congruit. nam magus adjectitiam suisse opidorum vicorumque sluminibus adpositorum particulam, suprà lib. 1, cap. v11, ostensum est. B autem litera facilè in V mutari poterat; unde Vromagus sactum, pro Bromagus; & mox euphoniæ gratia interjecto I, Viromagus. Bra, apud Antoninum esse mendosum, cum tabula, tum hodierna ejus dem loci adpellatio convincit.

Inter Bromagum & Aventicum unus recensetur locus, qui Antonino est Minnodunum, auctori tabulæ Minodum, mutilato vel abbreviato nomine, pro Mino dunum. Hoc esse hodiè opidum, quod vulgò Germanis Milden, Gallis Mouldon vocatur, tractus simul itineris & nomen opidi produnt. proinde etiam corruptum esse numerum vi m passe qui apud utrumque spatio inter Bromagum & Minodunum adscriptus, certum est. sunt quidpe millia xiii. Convenit rectè in tabulà intervallum inter Minodunum & Aventico cum, millium xviii. quæ itidem corrupta habent Antonini exemplaria xiii. Sed heic v, illic x, interiisse puto.

Ab Aventico Salodurum versus, post xiv mp. collocat auctor tabulæ Peteniscam; quæ Antonino in eodem itinere, post xiii millia, est Petinesca. hinc uterque Salodurum, usque numerant passuum millia x. quæ in universum sunt millia xxiv. Corruptum esse alterutrum numerum, intervallum coarguit, quod inter VVüstispurg & Soloturn, rectissimo itinere est m.p. xxxii. Ego Peteniscam interpreter celebre hodic opidum Biel, in extremis Urbigeni pagi sinibus, lævæ Urbæ amnis ripæ adpositum.

EBURODUNUM habet tabula inter Vesontionem & Aventicum; x v 11 millibus ab hoc dissitum. huic nomini, spatio, ac situi probè respondet opidum hodiè Tverdon, ad caput la-30 cus Novioburgiensis, v 11 millibus passum ab Urbâ distans.

ABIOLICA, in eâdem tabulá, vim. p. ab Eburoduno versus Vesontionem distat. nomen hoc, spatium, ac situs conveniunt vico hodiè vulgò le Bullet dicto.

AMBRONICUS PAGUS.

SALODURUM auctoris tabulæ, quod Saloturum Antonino, rectè omneis interpretari opidum nunc. Germanis Soloturn, Gallis Soleure dictum, extra controversiam est. Apud Ptolemæum Helvetiorum opidum legitur Γανέδερον Ganodurum: quod quamvis quibus dam existimetur esse Constantia, ad lacum Brigantinum sita; tamen ego judicaverim vocabulum id esse corruptum; rescribendumque Σαλόδερον. quin etiam Ptolemæi positio magis convenit Saloduro, quam Constantiæ. Rhenani heic considentia prossus non probanda, qui quum in vita D. Mauricii legisset, agaunum Gallico sermone significare saxum: non veritus est, apud Ptolemæum vocem Γανόδερον, ultrà vitiare in Γαιωόδερον, idque interpretari opidum Laussenberg, extra Helvetiorum antiquos sineis, in agro Raurico situm: scilicet quia ad hoc cataractæ sunt Rheni.

VINDONISSÆ, quæ nunc vicus exiguus prope Arolæ Russæque amnium confluenteis, satis alta est antiquitas. meminit quidpe ejus Tacitus sub exitum Neronis, historiar. lib. Iv: ubi Galli Belgæ, Civile Batavo duce rebellantes, Romanorum hiberna in Rheni ripâ subverterunt. Cohortium, inquit, alarum legionum, hiberna subversa, cremataque: is tantum relictii, que Magontiaci ac Vindonisse sita sunt. Florus lib. III, cap. ultimo, de Druso: In tuso telam provinciarum, prasidia atque custodias ubique disposiit: per Mosam sumen, per Albim, per Visurgim. nam per Rheni quidem ripam quinquaginta amplius castella direxit. In his Vindonissam quoque fuisse, patet ex Tacito. Atque una hæc Romanorum tunc fuisse in Helvetiorum agro castra militum, liquet inde., quòd, quum cetera cuncta per omnem Rheni ripam subversa cremataque forent, hæc una cum Magontiaco relicta fuerunt: nec tamen Belgæ rebellantes, ultra Juram montem Arolamque amnem, in Helvetiorum sineis penetraverunt. Este autem vicum vvindisch antiquam Vindonissam, arguitur cum ex nomine, ac situ, qui haud ita procul Rheni ripâ, ubi præsidia Romanorum, tum ex itinerariis, quæ sic habent:

350

PHILIPPI CLUVERII

Anto	nini:	Antoni	ni:	Tabulæ:		
Brigandia Arbore Felic	e xx.	Brigantia Arbore Feli	ce xx.	Brigantio Arbor Felix	x.	Bregenz. Arbon.
Ad Fines	xx.	Finibus	xx.	Fines	XXI.	Pfin.
Vindones	xxx.	Vitudoro Vindonissa Rauracis	XXII. XXIII.	Vindonissa Augusta Rauraci		Winterthur. Windisch. Augst.
Arialbinum	XXIII.	Bafel.				- Sit.

TUGENUS PAGUS.

Tugium opidum, quod vulgò dicitur Zug, nemo equidem veterum memorat auctorum. fuisse tamen in x11 illis antiquissimis opidis, quæ Helvetii, ad totius Galliæ Celticæ imperium occupandum proficiscentes, exusserunt, haud dubium est, quando ab hoc, ceu totius pagi capite, ipse pagus jam multis annis ante hanc expeditionem cognomen. habuit; ut suprà è Strabone oftensum est. Cæsar autem disertissimis verbis scribit, se opida,

vicosque, quos incenderant, restituere jussisse, non nova constituere.

Est prætereà alius in Tugeno pago locus, antiquitate nobilis, cujus Tacitus historiar. lib. 1 meminit; de Cæcinà legato loquens, quem Vitellius cum parte exercitus per Helvetios Alpeisque Penninas Italiam petere jusserat. Plus prada, inquit, ac sangvinis Cacinahau. 20 sit. Irritaverant turbidum ingenium Helvetii, Gallica gens, olim armis, virisque, mox memorià nominis clara; de cade Galba ignari, & Vitellii imperium abnuentes. Initium bello fuit avaritia, ac festinatio undevicesima legionis. rapuerunt pecuniam, missam in stipendium castelli, quod olim Helvetii suis militibus ac stipendiis tuebantur. Aegrè id passi Helvetii, interceptis epistolis, qua nomine Germanici exercitus ad Pannonicas legiones ferebantur, centurionem & quosdam militum in cuctodià retinebant. Cacina belli avidus, proximam quamque culpam, antequàm paniteret, ultum ibat. Mota properè castra. vastati agri. direptus, longà pace in modum municipii exstructus, locus, amano salubrium aquarum usu frequens. Illi ante discrimen feroces, in periculo pavidi, quamquam primo tumultu Claudium Severum ducem legerant, non arma noscere, non ordines sequi, non in unum consulere. exitiosum adversus veteranos prælium; intuta 30 obsidio, dilapsis vetustate mænibus. hinc Cacina cum valido exercitu, inde Rhatica ala, cohortesque, & ipsorum Rhatorum juventus, sveta armis, & more militia exercita. undique populatio, & cades. Ipsi in medio vagi, abjectis armis, magna pars saucii, aut palantes, in montem Vocetium perfugere. Locus hic sine controversià est idem, qui nunc etiam ob aquas calidas incolis vocatur patrio fermone Baden; opidum elegans, amœnum, atque celebre, flumini Limago adpositum, x v 1 millibus passuum infra Turigum, v 1 millibus à Vindonissa dissitum. unde militibus undevicesima legionis promta pecunia rapina: nam horum. hiberna Vindonissa. idem auctor historiarum lib. 1v: Vndevicesima legio Vindonissa, Sextilius Felix cum auxiliariis cohortibus per Rhatiam irrupêre. Castelli ruinæ etiamnum exstant, ad opidum in monte sitæ. Ceterùm longa illa pax ab Julii Cæsaris usque duravit 40 Gallico bello; quo tempore illi omnia sua opida vicosque exusterant. unde hujus quoque opidi vetustatem colligere fas est: maximè castelli; ut cujus mœnia jam sub Neronis principatu nimià vetustate collapsa erant. Opidum tamen ipsum, quamvis ob celebritatem, usumq: saluberrimarum aquarum, in municipii modum ædificiis exstructum suerit, mænibus non fuisse cinctum adparet ex eo, quòd sine obsidione locus is subità militum irruptione direptus fuit. Sed castellum hoc cur Helvetii ad Vitellii usque principatum ex omnibus unum fuis militibus ac stipendiis tuebantur, quum reliqua omnia Romanorum tenerentur præsidiis? Haud facilè dixerim; nisi credas, uti nunc v 111 antiquorum pagûm, sic olim totius civitatis Helvetiæ magistratus huc ad communia concilia peragenda convenisse. Tuebantur igitur præsidio locum, quia in eo communia omnium archiva adservabantur. No-5° men castellum opidumve olim quod habuerit, nullibi reperio. quia tamen ob usum salubrium aquarum jam tum celebre fuir ; haud dubium est, quin idem nomen, quod nunc , obtinet, tunc etiam ab codem argumento obtinuerit; Romanis dictum AD AQVAS; quemadmodum alix per terrx orbem aqux calidx: & cognomento regionis, AD AQY, AS

De Vocetio monte nihil habeo, quod ego certius, quam alii ante me, adfirmare queam: nempe esse eum partem Juræ montis asperrimam, è regione pagi Tugeni; ubi hodieq; adpellantur loca Bozen, & Bozberg. Eorum perquam inepta est opinio, qui Vocetium eumdem esse volunt, qui corruptè, ut suo loco ostendetur, Vogesus adpellatur, pro Vosego, in Casaris commentar. 1v, in Lingonum sinibus, ex quo ille Mosam slumen proslucre aite etenim quid (malum!) Helvetii ultra Rauracos atque Sequanos in Lingonum usque proslugerent sineis, quum satis tuti adversus Romanorum militum in transitu impetum esse poterant in Jura suo?

TIGURINUS PAGUS.

DE TIGURO, sive TURIGO opido idem sentio, quod suprà de Tugio dixis nempe susse à hoc in XII illis opidis antiquissimis, quæ Helvetii in expeditionem pro-10 siciscentes exusserunt. ab hoc enim, ceu capite, jam ante expeditionem totus pagus cognomentum invênit.

ΦΟ'ΡΟ C ΤΙΒΕΡΙΌΤ, FORUM TIBERII est in Helvetiis Ptolemæo. Id omnium rectissimè interpretari mihi videtur Rhenanus opidum nune quod vulgari vocabulo vocatur Keysers stuel; quasi dicas, Casaris sive imperatoris tribunal: quia heic jus à Tiberio

redditum fuerit.

A Brigentiâ ad ARBOREM FELICEM numerat Antoninus duobus in locis millia passium xx. cui nomini, situi, spatio respondet opidum hodiè, lacui Brigantino adpositum, Arbon. In tabulà alterum x in dicto millium numero interiit.

Hinc totidem millia numerat Antoninus, duobus itidem in locis, ad Fines. tabula 20 verò xxI. huic spatio, situi, ac nomini probè convenit opidum nunc Psin, Duro slumini

impositum.

A Finibus ad Visudorum, sive, ut quædam habent exemplaria, Vitidurum, m. p. sunt apud Antoninum xxII: & hine Vindonissam xxIII. Utrobique numerus corruptus est. locum quidpe eum esse nunc VVintertur, cum nomen, tum regio indicant. ab hoc autem millia sunt passuum ad Fineis xv; ad Vindonissam verò alterum tantum intervallum. Qui Constantiam interpretantur Vitudurum, perquam vehementer errant. qui enim à Finibus Vindonissam prosecturis, retrogressio esse potest ad Constantiam? à qua si Vindonissam recto itinere pergere velint, Fineis repetant necesse est. In tabula vocabulum hujus loci & distantiam periisse, liquet ex eo, quòd millium quidem numerus inter Fineis & Vindonissam exostet. Antiqua inscriptio, quam Lipsius refert in auctario inscriptionum, habet Vitudurum, ut quædam Antonini exemplaria. verum tamen ac genuinum vocabulum Latina formatione debebat esse VITODURUM; eadem ratione grammatica, ut reliqua opida terminantia in durum; Salodurum, Octodurum, Divodurum, Augustodurum, Marcodurum, Batavadurum, & alia. Hæc igitur ferè sunt, quæ de terræ Helvetiæ antiquitate ex idoneis auctoribus eruere

De gente ipsa pauca quædam nunc cognoscere haud pigeat. Claritudinem ejus ostendit Tacitus, dicto loco, his verbis: Helvetii, Gallica gens, olim armis virifque, mox memorià nominis clara. Cæsar belli Gallici comment. 13 de Belgis loquens: Proximi sunt Germanis, qui trans Rhenum incolunt; quibuscum continenter bellum gerunt. quâ de causâ Helvetii quoque 4º reliquos Gallos virtute precedunt; quòd ferè quotidianis præliis cum Germanis contendunt, quum aut suis sinibus eos prohibent, aut ipsi in eorum sinibus bellum gerunt. Bellum hoc non nuperum Cæsaris ævo; sed perantiquum. Tacitus in libro de Germania: Validiores olim Gallorum res fuisse, summus auctorum divus Iulius tradit. eoque credibile est, etiam Gallos in Germaniam transgressos. Quantulum enim amnis obstabat, quò minùs, ut quaque gens evaluerat, occuparet permutaretque sedes promiscuas adhuc, & nulla regnorum potentia divisas? Igitur inter Hercyniam silvam, Rhenumque & Mænum amnes, Helvetii, ulteriora Boji, Gallica utraque gens, tenuêre. Sed de hac commigratione suo loco instà, in Germaniæ Transrhenanæ descriptione, fusius disseretur. Clari hinc fuêre, Romanisque formidati Helvetii, in Cimbrico bellos ubi longè major eorum fuir, qu'am ipforum Cimbrorum Theutonorumque 50 virtus; uti suprà ex Plutarcho ac Strabone demonstratum est. unde haud immeritò timor Rome grandis fuit, quantus vix Annibalis tempore Punicis bellis, ne iterum Galli Romam venirent; teste Eutropio, lib. v. quocirca etiam Helveticum id potius tum adpellandum suit bellum, quam Cimbricum, vel Theutonicum.

Quantà hominum multitudine terra ipfa semper abundaverit, licet ex eo colligere, quòd antiquissimis temporibus, non ob agrorum sterilitatem (regio quidpe est fertilissima, omnibusque rebus adfluens) sed propter terrarum angustias, in Germanicum solum pars eorum transgressi fuêre dein etiam, quum dicto bello Cimbrico duûm pagorum incolæ excisi suissent x 1 haud amplius annis pòst, in tantum rursus excreverunt numerum,

Gg 2

uti pro multitudine hominum, ut ait Cæsar, & pro glorià belli, atque fortitudinis, angustos se sineis habere arbitrarentur: ideòque, ad imperium totius Galliæ Celticæ occupandum, sinibus suis exirent. Hinc, à Cæsare devicti, & sub jugum imperii Romani redacti, memoria magis antiquæ gloriæ, quam novis gestis claruerunt: donec Alemanni posterioribus sæculis solum eorum invaserunt.

CAP. V.

De RAVRACIS; qui & RAVRICI & RAVRIACI.

ELVETIIS finitimos faciunt auctores RAVRACOS. Cæfar, eodem commen- 10 tario primo, de Helvetiorum expeditione loquens; Persvadent, inquit, Rauracu, & Tulingis, & Latobrigis, finitimis suis, uti eodem usi consilto, opidis suis vicisque exustis, una cum iis proficiscantur. Quo situ fuerint Rauraci, docet, inter alios, Plinius lib. 1V, cap. XII; de Danubio amne loquens: Ortus hic in Germania jugis montis Abnoba, ex adverso Raurici Gallia opidi. & eodem libro, cap.xv11: Mediomatrici, Sequani, Raurici, Helvetii. Fuêre igitur in Rheni ripâ, inter Helvetios ac Sequanos. Ad Rhenum pertigisse Sequanos, testatur etiam Casar, sub initium commentar. 1: Eorum una pars, quam Gallos obtinere dictum est, initium capit à flumine Rhodano; contineturque Garumna flumine, oceano, finibus Belgarum. attingit etiam à Sequanis & Helvetiis flumen Rhenum. Et Strabo lib. Iv: Me @ ofetis E' Aunflius, Dennasoi & Mediopale, roi naloine (+ Plwor id est: Post Helvetios, Sequani ac Medio 20 matrici Rheni ripam colunt. Neuter heic Rauracos memorat: nempe quia gens exigua, ex numero hominum, qui una cum Helvetiis, sedibus suis relictis, in bellum profecti, cum undecimâ Helvetiorum parte comparanda. nam horum fuêre celxiii millia, Rauracorum verò xx111 millia tantùm: teste Casare eodem commentario. Igitur Rauraci, in medio Helvetiorum Sequanorumque positi, rectè nunc dici possunt ii populi, qui, Basiliensem agrum colentes, vulgo dicuntur die Baseler. Horum terminus est, à meridie Iura mons, ab Arolæ Rhenique confluentibus ad fonteis usque Birsæ amnis. hinc, ab occasu Vofegus mons; qui initium heic fumit, vergitq; in feptemtriones & occasium æstivum, ad fonteis usque Mosellæ Mosæque amnium. dimidium lateris septemtrionalis claudebant olim Sequanorum confinia, à Vosego, quà Ellum flumen erumpit prope arcem Morspurg, per 30 opidum Pfirt, ad Rheni usque ripam quà in adverso vicus & castellum Isteyn conspiciun. tur. alterum dimidium cingit ipse Rhenus ad confluentem usque Arolæ.

Nomen gentis variè apud auctores, quos mox citabo, scriptum reperitur. alii quidpe adpellant Rauracos, alii Rauriacos, alii Rauriacos. Causa hujus variationis est, quia Celtica lingva esferebantur thi Rauricher, per Græcam literam x, omnibus pariter Celtis antiquis oppidò quam adamatam: quæ, si antiquo illo more crassiv esferatur, quemadmodum etiamnunc sit à Rauraci agri Helvetiæque terræ & conterminarum regionum incolis, item ab Hibernis, & Wallis, Britannica gente, prætercaque à Judæis & compluribus aliis nationibus externis; sonum essicit crassium tam antecedentibus, quam consequentibus vocalibus. Hinc etiam sactum, uti varia veteris Celticæ opidorum vocabula, quæ eodemo-40 mnia modo ipsi genti in 16 h terminabantur, variè apud Romanos auctores, modò in acvm, modò in 16 cvm, modò in 16 cvm, desinant. exempla quædam adponere libeat: Nemetacum, Cameracum, Tornacum, Bagacum: Blariacum, Iuliacum, Mattiacum, Magontia-

cum: Avaricum, Aventicum; & id genus alia.

Ceterûm opida tempore Plinii Rauracos nulla habuisse, nisi unum, testis est ipse his verbis, suprà citatis: Ortus hic in Germania jugis montis Abnoba, ex adverso Raurici Gallia opidi. nam si plura suissent, nomen huic proprium tribuisset, quo ab reliquis discerneretur. Ne Ammiani quidem avo plura suisse existimo. sic enim & ipse lib. x1v: Prope Rauracum ventum est, ad supercilia suminis Rheni. Ptolemaus vocat Avyseuv l'averas, Augustam Rauricorum: Antoninus & tabula itineraria, Augustam Rauricam: Plinius lib. 1v, 50 cap. vii, Coloniam Rauriacam: inscriptio vetus Coloniam Rauricam: nummus vetus Tiberii Col. Aug. Raurac. Coloniam eam quis Romanorum deduxerit, ostendit dicta inscriptio, qua talis est: L. Munativs L. F. L. N. L. Pronep. Plancus cos. CENS. IMP. VII-VIR EPVL. TRIVMPH. EX RHATIS ADEM SATURNI FECIT DE MANUBIIS, AGROS DIVISIT IN ITALIA BENEVENTI, IN GALLIA COLONIAS LUGDUNUM ET RAURICAM. Antiquitatem opidi hine colligere licer. Plancus quidpe hic consultatife sum satur. Jam ante Julii Casaris bellum Gallicum exstitisse, patet ex verbis